

Мокиерзянь
ВЛКСМ-нь обкомъ
и Саранскань
Горкомъ газет-
ски

Редакция адресо:
Саранск, ул. Карла
Маркса 9—Комсо-
молонь вайгаль

Газетать пичне
1 коас 60 грешник



Комсомолонь ВАЙГЯЛЬ

27

И Ю Л Ъ

1935 КИЗОНЯ

84 (185) №

Лицензия отбора книг кисти 12

ВЛКСМ-нь сембе организациятненди

XXI-це международнай юношескай шить анокламанц и йотафтоманц колга

ВЛКСМ-нь ЦК-ть XI-це плену-
монц решенияц сянъ колга, што
„ВЛКСМ-ть работанцы цент-
ральной задачка арсы од поколе-
нийте ленинизма дукса, рабочай
классты врагонзон каршес аф ми-
рендазъ тюреманы дукса воспита-
дамац, трудяйхнен интернациональ-
най братстваснон вишества комек-
стамац и социализма инкса тюре-
мань героическай образецнень ко-
ряс од ломаттненъ эса революцион-
най мужествомъ воспитандамац“
должен улемъ путф основакс кода
сембе анокламань работати, стания
и XXI-це международнай юношес-
кай шить йотафтомста.

Тя задачка ланкс ваномъ
ВЛКСМ-нь организациятненди эря-
ви вишкоте рабочай крестьян-
кай и сембе трудяй од ломанень
массаты йоткса политической рабо-
та стама лозунгонъ ала: пингя
сидонга кемста пуромомъ ВКП (б) ть
перьфка и нинга сидонга пик же-
мокемакс одломаттненъ единствен-
най руководящай организациясн
— ленинскый комсомолъ, медиста
полнемакс тевс (используя) междуна-
роднай юношескай шить анокла-
мань пинкс ВЛКСМ-ть комекста-
манц инкса и од ломаттненъ и
идтненъ йоткса сонъ политической
влиянияц вишкотемац инкса.
Азонднемомъ комсомолецненди и
сембе од ломаттненди йотафтови
комсомолъ работанц одус ладья-
мань существовни, кода йотафтови
Сталин ялгаты указаниязон моряс,
апак лотксе работаможесь радне-
конь организационнай ширде мемо-
кстамаснон ланкса, ВЛКСМ-нь ор-
ганизациятне самий танъ мархта
тихты эрявикс условия комму-
нистическай воспитанияц задачка-
ненъ сатфкс мархта пашкодмас-
нонды и советскый власть перьф-
ка одломаттненъ и идтненъ пу-
роптомаснонды.

Киров ялгаты злодейскыйта ша-
вомань, виновьевско-троцкистскый
группатненъ илгакснон контррево-
люционнай деятельностиц урожене,
меколи, Евкуидзятъ тевоц, вешихты
себе комсомолецненъ ширде,
комсомолъ йоткса револю-
ционнай бдительностть касфто-
манц и комсомолонь сембе органи-
зациятненъ эса боепособностть же-
мокстаманц.

Ояс учеть порядоке ладьяманц
инкса ВЛКСМ-нь организациятненъ
сембе личнай составенон изучени-
яц, кеме большевистскый дисципли-
наль ладьяманц, „комсомольскый
хозяйствать“ порядоке тиemanц
инкса тюремасы кандыхты решаю-
щай значение и тевса арсыхты на-
чалакс ВЛКСМ-ть работанц перест-
ройканцы.

Анцек ВЛКСМ-нь эрь организа-
цияса эсь „хозяйстванц“ порядоке
ладьямасы, эрь комсомолецъ и ком-

сомолкаты кода ВЛКСМ-нь чле-
нонь эсь обязанностенон пашко-
демаснон ланкса эрь шинь, кропот-
ливый организационно-воспитатель-
най работасы, перестройкаты колга
лама работанненъ общай трескот-
наснон и болтовняснон каршес тю-
ремасы арайхты условиякс
ВЛКСМ-ть, кода одломанень Ком-
мунистическый Интернациональ ин-
гольденъ отрядонц работанц тевса
одекс тиemanцы.

Международнай юношескай ши-
ти анокламанъ ВЛКСМ-нь сембе ор-
ганизациятненъ эса эряви кемоста
путомъ ВЛКСМ-нь ЦК-ть XI плену-
монц решениязон практической-
станияшкотемакс кизефкы: комсомо-
лецнон члетьненъ марксистско ленин-
скый воспитаниясн чебарьгофто-
манц колга: сонъ марксист партияц
историяц тонафнеманц; школаса
и идтненъ йоткса работаматы кол-
га; рабоченъ и сьоравидненъ одло-
маттненъ передовой пилькеснон ком-
сомолу систематическайста прима-
маснон колга и од поколенийте сем-
бедонга пик стирьнатненъ и од аза-
тненъ йоткса политической, массо-
вой работаты ладьяманц колга.

ЦК-сь путнемомъ сембе организа-
циятненъ инголи задачка: между-
народнай юношескай шить анокла-
манъ кода комсомолъ рядонзон ся-
да вишкоста комекстамаснон пин-
гонъ использовандеманц, маргонъ-
ди мольфтемъ самокритика комсо-
мольскый работаса сембе афзатыкс
ненъ колга кода ВЛКСМ-нь члеть-
ненъ йоткса, стания од рабочай-
кненъ и колхозникненъ йотксонга.
Комсомольскый организациятненъ
ди эрявикхты терьдемъ сембе рабо-
чненъ и колхознай одломаттненъ
сянхы, штоба кемоста критикован-
дамъ од ломаттненъ культурнай об-
служиванияса комсомолъ работас-
та сембе аф сатыксненъ, вавсанда-
кига разоблачаданнемомъ и „лиф-
немъ лангу, руководящай организа-
циятненъ и работанкенъ ширды
ломаттненъ ланкс, казеннайста, фор-
мальнайста ваноманъ фактненъ.

Международнай юношескай ши-
ти анокламанъ и сонъ йотафтомс-
тонъ вавсене задачка эряви пу-
томъ од империалистическый вой-
нанъ касыкс реальной целькы азон-
доманц. Итальянскый империализ-
матъ ширды Абиссинияц ланкс
нашествиянъ анокламасы фактне,
ОСОР-ть каршес мольфневи япо-
ниянъ и германиянъ империалист-
тненъ активнай действаца фкя
ширьда, и миръ ареляманц инкса
советскый правительстваты мархта
аримосеви мератне омба ширды
эрявикхты чебарьста азондомъ с
ОСОР-нь сембе трудяй одломатт-
ненди.

Башка мяль эряви шарфтомъ фа-
шизматъ, рабочай классты смерте-
най врагонц разоблачаданнемомъ,

рембеда пик германскый фашизматъ,
конат ащи Советскый Союзъ кар-
шес анокламань контрреволю-
ционнай войнанъ вдохновителькс и
крывастикс.

Азонднемомъ од ломаттненди
сят фактненъ, кода коммунистне
и комсомолецне вионъ аф ужал-
дезъ тюрхты фашизматъ каршес.
Коммунизматъ победанц инкса бое-
ченъ революционнай мужествомъ
героическай образецненъ лангса
эрявикхты воспитандамс минъ стра-
нанъ од ломаннеке интернациональ-
най солидарностенъ комекстама
дукса. Тяка пингты комсомольскый
организациятненди эряви виетфаф-
томъ организационнай и разъясни-
тельной работасы комсомолецненъ
и сембе од ломаттненъ йоткса минъ
страняниконъ прянь арачаланц кол-
га и Якстеръ армияц, Воздушнай
и Морской флоттненъ инголе эсь
обязанностенкенъ пашкодмаснон
колга.

ВЛКСМ-нь Центральнай коми-
тетъ маргонды сембе организа-
циятненди маргонъ эрямодемъ
XXI международнай юношескай
шить анокламанъ и лувондонъ эря-
виксонди:


а) Терьдемъ специальнай закры-
тай комсомольскый пуромот, ко-
нат пуроптомъ международнай юно-
шескай шить лемс, а стания жа
йотафтомъ марстонъ пуромот и кон-
ференцияц аф партийнай рабочай,
колхознай и аванъ од ломаттненъ
йоткса ВЛКСМ-нь организацият-
ненъ руководстваснон ала.

Комсомольскый пуромонень эса
эрявикхты кочкесомъ стама кизефкы,
конат сатфт комсомолонъ рядтненъ
кемокстамаснон мархта и конкрет-
най мерат, конат эрь организа-
ция эрявикхты йотафтомъ аф партий-
най рабочай и колхознай од ломат-
тненъ йоткса и сотомъ международ-
най юношескай шить йотафтоманц
мархта.

б) Чебарьняста вачозъ анокламъ
рабочай, крестьянскый и трудяй
од ломаттненъ йоткса марстонъ пу-
ромксонъ и конференциянъ йотаф-
томатъ, конат пуропневихты меж-
дународнай юношескай шить лемо-
обеспечендамъ сембе пуромксонъ
эса оцю качества мархта полити-
ческый и разъяснительнай работа и
действительна ладьяс кочкесомъ-ва-
нондомъ комсомолъ работастонъ
афсатыксненъ.

в) Йотафтомъ организационно-по-
литическай аноклама сят демонст-
рациятненъ йотафтомаснонды, ко-
нат пуропневихты XXI меж-
дународнай юношескай шить лемс,
максомъ теест боевой политической
характер.

Сембесюзонъ Ленинскый Комму-
нистическый од ломанень союзъ
и Центральнай комитетотъ.



Ленинград

СНИМКАСА: „Свияга“ лесовозъ
ланкс грузайхты вирь.

Тяфта-ли эряви заботамъ ломаттненъ инкса?

Бюллетентъ теенза кучезъ меки
питненъ алак пандъ. „Красная
Пресня“ совхозъ рабочай коми-
тетотъ лувокс эрявиксонди аф пан-
домс эсь трактористканцы Ольга
Волковати ниле кофт декретнай
отпусконкса.

Кафта кизот тракторъ лангса
чебарьста работаманкса Волковасы
ульсь аф вестъ казф. Сонъ колга-
нза сембе совхозъ содасы, кода
чебарь работничанъ ударничанъ
колга. Сонъ колганза корхнестъ
ударниконъ слетса, дирекцияса и
политотделса.

А воз тяти юкстазъ Волковаты
колга... Сон лиссь урвакс. но
работанц ашезе кад. Ольгаты пачсь
идец. Сон получасы законнай дек-
ретнай отпуск.

Медицинскый работникненъ ширде
максф справкаса сьормадфоль—
тракторъ лангса работамъ Волко-
вати аш кода, эряви йотафтомъ
сяда тьожда работас. Белинскый
участкаса тьожда работа истъ му.
Тракторъ лангс озамда Ольга
пельсь.

Волковати нят рабочай шитненъ
сьормадозъ прогулкы и конечна
инксост истъ панда. Лама теенза
савсь якафтомъ руководителхненъ
кабинетснон эзга, но сонъ нужданц
колга кивок изъ арее кулемда,
сембе причинаты вальсезъ сянъ
лангс, што аш настоящий бюллетень
И вон тяти, мзярда од комсомол-
каты трактористкаты кядьса „ули“
настоящай „бюллетень“ и идец,
теенза сембе сяка аф пандыхты
отпусконц инкса.

Аф содави, мезенкса „Красная
Преснянъ рабочкомъ председате-
лец Яковлев кучезъ меки Белин-
скай апак пандт бюллетентъ.

Тяфта шарфнихты мяль од ком-
сомолкатыненъ — специалисттненъ
лангс.

А Ольга вль ВЛКСМ-нь райкомса-
бюронъ член, сон октябрьста сяво-
мокизъ якафявок бюрос. Содасы
ли райкомъ мес?

Содайхты ли бюронъ члетьне
синь фкя членцнон, комсомол-
каты-тярять, Ольга Волковаты
мытарстванзон колга?

А вдь кунара-ни карматъ рай-
комса корхнема ломаттненъ медьга
заботаты колга, стирьнатненъ йоткса
работаматы колга и ст. тов.

Корхнематне—корхнемат, а тевс
таки станяк ащи.

Москвитина

Эрь комсомолецти средняя образование

Комсомолонь VII всесоюзней конференция эса примачь решениясь сян колга, штоба комсомолецтень омбоце пятилеткаты пеншты ульсь средняя образованияна, няфнезе од ломаттень содамашитнень сатомаснонды пяк оцю мяльснон, сон арась комсомолть ширьдэ ответокс партиять и правительстваты призывснонды сян колга, штоба максомс странаты оцю квалификация мархта и грамотнай работникт.

200 000 од рабочайхть и работничат йотай учебнай кизоты шить работсест цехова, а илять ащекшность партатнень ваксса Лама тьожатт од ломатт, средняя образованиянь школава тонафнемом, реальнайста марязь эсь касомаснон, эряфт нинге сядя пяк содамачь потребностинон. Средняя образованиянь школатне арась пяк оцю авторитетокс комсомолецтень инголя. Тя няеви хотяба тоста, што ламода аф сембе желавдай комсомолецтень улихть возможностьна средняя образованиянь школава тонафнемс.

Аф ваномок аф организованность ланкс, приспособиндаф аудиторияфтома шить, эрявикс учебнай пособияфтома, кеме бюджетфтома и учебнай программафтома шить ланкс, школатне работайхть, и работайхть аф калдывста.

И танга сьака средняя образованиянь школатнень таниень положениснон мархта комсомолти мирендамс аш кода. Аш кода корьтамс сембе школатнень колга фька кафта цебарь примеронь коряс. Кепетьксоньди сембеньди содаф, што Л. М. Кагановичь лемса „Шарикоподшипник“ заводса школась работай образовайхть. И тя азончеви васендакия сян мархта, што тоста комсомолонь заводской комитетсь кемоста сявове школат эсь кядьалонза, таргазень тя тевти заводской организациятнень, заинтересовандаз тя тевт мархта заводоуправленияхть. И результаттень няевихть. Школат улихть пяк цебарь аудиториянза и сембе эрявикс условиянза нормальнайста работамс. Но тя школат кондыма школада пяк и пяк кржа.

Комсомольской организациятненьди сьакомст, кда тевст тевса аф лездыхть народной образованиянь оргаттне и профсоюзне, аф пяхкодеви эрь комсомолецти средняя образованиянь максомаса эдачась. А народной образованиянь оргаттне и профсоюзне ащихть ширеса, аф шарьхкочнесазь сян, што комсомольской школатне кирьдихть пяк оцю государственнай значени.

Москувонь областсьа народной образованиянь оргаттне содасть лама школань колга аныцек эста, мзярда школатне кучсть заявкат учебниконьди.

Лама школат обанкротендасть финансовай ширьдэ Туласа, Мытищаса, Реутоваса, Можерес заводса 3 кофт ашесть панне зарплата педагогкеньди Финансвай сталмотнень сюнеда сьолкфт школатне Орехово Зуевса, Рыбникова, Новосельцоваса Тялисс сяс, што народной образованиянь Москувонь отделсь путозень школатнень голодной паек ланкс.

1935-це кизоньди вастонь бюджетть коряс Москувонь областсьа комсомольской школатненьди нолдафоль 1.000.000 цалковай—тяфтам ульсь СССР-нь СНК-ть путфк соц. Народнай образованиянь Москувонь отделса музь возможнаеньди, однако аф лувондомс эрявиксоньди правительстваты путфксонди. 170 тьожатт цалковайхне максф тольхть одс пуроптф Калининской области. Илядыкс жа ярмакнень (830 тьожатт цалковайхть) эзда

школатненьди, лиякс азомс прямой назначениясь, карьхьяфоль аныцек 185 500 цалковайхть. 640 тьожатт цалковайхне ульсь йотаффтфс-кай лаца текущай кампаниянь, култьпоходонь, радиоперекличкань йотафтомс и лия тевоньди.

Кода лиякс азомс тя явно аф законнай операиять, конац сембеда губительнайста отзывандакшни школатнень ланкс, кода од ломаттнень ленинсквай воспитаниянь системаса пяк оцю мероприятиять синнемац.

Редациясь йотаффт совещаниясь комсомольской школань работникне азозь, што маластонь шитьнень Туласа ули скандальной судебнай процесс. Подсудимаень скомнать ланкс улихть озаффт педагогтнень зарплатаснон кирьнеманкса. ВЛКСМ-нь райкомонь секретарсь Белкин ялгась и 1-це № заводонь ВЛКСМ-нь комитетть секретарец Рыков ялгатне. Сембе синь винасна ащи сян эса, што синь няфнесть эрь шинь забота школатнень инкса. И сян вастс, штоба подсудимаень скомнать—ланкс озафтомс видексонь виновникть—Тула ошень народнай образованиянь отделонь руководительть ответс таргсезазь комсомолонь работниктнень.

Ленинградса тевне ащихть нинге сядя калдывста. Тяса месбди упрямыксь финотделсь и тангасяка, правительстваты решениянц ланкс аф ваномок, кирьдезень миллион цалковайхнень, конат нолдафтольхть школатненьди.

Тяфтам тевт материальной ширец. Сембе тя, канешна, арси результатокс сянди, што средняя образованиянь школатне апак признандакт народнай образованиянь оргаттнень, да и соньцен Наркомпротсь мархтонга.

Йофси „нейтральной“ положения месбди заньхихть профсоюзне. ВЦСПС-сь тя пинкс срхкиси „нолдамс“ кодама бди специальной директиват.

Тя пинкс апак пяхкодть пяк важнай кизефксь программатнень колга и тянка виноватсь аныцек Наркомпроссь. Школат названиянц тевса аф ащи действительности. Тя няеви тяфтам простой расчетста. Девятилетка нормальнай средней школаса сембец учебнай частта 4.720, комсомольской школаса жа. Сембоц частта 2468, лиякс азомс кафкть сядя кржа. Дисциплинатнень марстонь лувкссна—тяфта жа. Шарьхкодеви, што комсомольской школаса тонафнемась мольтеви сядя поверхностнайста.

Эряви путомс кизефксь серьезнайста и сатомс сян, штоба комсомолецне, конат тонафнихть средней образованиянь школава, йотальхть аф кирьфтаф, аф нюрьхкалгофтф тонафнемань курс. Кода тя сатомс?

Эряви сувафтомс вете частонь квалмоса тонафнемань ши и кафтомс учебнай часттнень лувксснон. Марса лувозь 5 кизонь йотамс тя максы тейнек 2000 лишнай учебнай частт, и комсомольской школаса и девятилеткаса тонафнемать объемц ровнандай.

Тя мероприятиясь аф кабинетнай выдумка. Тя реформась проверяндаф ни практикаса. Кой-кона школатне Сталинсквай и Баумансквай районца (Моску) эсь инициативаснон коряс касфтозь учебнай частонь лувксснон, и результатне пяк цебарьхть.

Средняя образованиянь комсомольской школатне тани ащихть од тонафнемс кизонь порахть лангса. Курок ушедыхть примамань экзаменттне. Эряви йотафтомс школатненьди од набор. Тя кизоня сембе СССР-ть эзга ули примачь 158 тьожатт ломань эряви таникиг-ни кочкамс сят ломаттнень,

кинь ули мяльсна тонафнемс, пуроптомс вступительнай испытаният и ст. т. Нормальной тонафнемс кизозь должен ушедомс аф сентябрь 1-це шидонза позда.

ВЛКСМ-нь ЦК-сь эсь путфксонза „средней образованиянь рабочей школатненьди сьоксень примачь ано-ламать колга“ максси действиянь четкай программа. Заводской комитеттненьди и комсомолонь райкомтненьди эряви пуроптомс работа сян колга, штоба азонкшнемс комсомолецтеньди и од рабочайхненьди школатнень за дачаснон и сят требованияхть, конат путневихть школав молихнень инголи.

Эряви ломаттнень кизефнемаснон вельде, беседатнень вельде мумс сят ломаттнень, конатнень ули мяльсна модемс тонафнемс, содамс синь содама шиснон, пуроптомс испытаниясь аноклайхненьди консультация, математикань, руссквай клень кружокт, шарфтомок башка мяль стирьнатнень фатямаснон шири.

Средняя образованиянь школатнень инкса эряви тюремсьстаня жа, кода эсь пинксонза тюрьсь комсомолсь ФЗУ-ть инкса. Киньга аф сай прызонза тани аф верендама сянди, што ФЗУ-нь школатне канцть и кандыхть оцю польза, анокламок квалифицированной рабочачень кадрат. А вдь 8 кизот тядя инголе ФЗУ-нь школатне ульсь примерна тяфтам-жа положениясь, кода тани ащихть средняя образованиянь школатне. Синь ульсь заводтнень эса пасынкакс. Заводонь кой-кона аф дальновиднай, делячески настроеннай директорхне ФЗУ-нь школатнень лувондозь принудительнай асортиментокс, сембе правдатнень и аф правдатнень вельде синь старандасть синь эздост отказамс.

Эрявихть мумс и наказамс сят виновникне, конат аф законнайста явондозь средстватнень, конат ульсь предназначеннайхть комсомольской школатненьди. Эрявихть наказамс башка комсомольской руководителхне, вастонь народнай образованиянь оргаттнень руководителсна и профсоюзснень руководителсна, конат лифнихть школатненьди аф кирьдемшка, барсквай, бюрократическый отношение.

Средняя образованиянь школатне комсомолть детищац. Комсомолти эряви сон арелямс и касфтомс сембе вийса, конац присущай комсомолти.

(„К. П.“ передавец).

Капиталистонь масторга

Францияса чрезвычайнай декретнень каршес массовой демонстрацият

Франциянь сембе оцю ошнень эса правительствань чрезвычайнай декретнень каршес йотнихть массовой демонстрацият. Нансе ошса 8 тьожатт демонстрантть листь ульцяз „Интернациональ“ моразь. Сембе французсквай ингольдень фронтовиконь объединениянь руководствась, (конатнень рядса ащихть сембе политической правлениянь фронтовикне) экстреннай заседаниясь примачь протест чрезвычайнай декретнень каршес.

Ингольдень фронтовиконь сембе организациятненьди мярьгф курьконя вастова пуроптомс демонстрацият и протестонь митингт, а стане жа анокламс обще французсквай демонстрацият.

Июль ковьт ульсь совещаниясна французсквай парламентонь левай группань представительхнень, конац ульсь пуроптф коммунистнень и социалистнень инициативаса. Путозь кучемс делегация французсквай правительствань главати—Лавальти протест мархта рабочаень и служащаень арестовандамать каршес, конат участвондасть ведгемонь тьожань демонстрацияса Парижса июль ковьт 19-це шистонза.


(ТАСС).

Идьтне — англиянь шахтатнень эса катастрофань жертват

1934-це кизоня несчастнай случайхнень вельдя Англиянь шахтатнень эса ульсь шавф 15 идь, конатненьди ульсь 10-16-нь киза и 4.148 идь ранендафоль. Модать ланкса тьяка пинкста шавфоль 4 идьт и ранендаф 1026. („Нью Лидер“. Лондон).

Планер лангса ичкозьде вастонь лиемаса рекорд.

Берлин. 23. Вассеркуппса (Гессен) исяконь панчф планеронь общегермансквай состезаниясь Гофман летчиксь тийсь моторфтома лиемаса ичкозьде вастонь заняма маждунородной рекорд, лийсь апак летковек ниласят вайхкогемонь ветице километрат. Тя пингс васенце васть заньчезе Дигмарсь, конац лийсь планер лангса колма сядт сизьгемоньветие километрат.



Филипповсквай МТС-са (Н. Анненсквай р-н) пуроптсь комбайнеронь курст.

СНИМКАСА: Амечев курсантсь ремонтировандай комбайна, Чикунов комбайнерть руководстванц коряс.

А кие виноватсь?

Сяда алува печатлаф материалы „А КИЕ ВИНОВАТСЬ“ минь Мордовиясонон аф единичнай. Ниня лама тяфтама комсомолецта и од ломаньда, конатнень урваньмода меле „расходяться“ политической взгляда она минь эряфоньконь эса и тя тупталсь урваньффт комсомолецненьди и од ломатненьди лисеньди „основанияко“ синь семейсонн налафнеманцы. Сяе минь комсомольский и од ломанень общественность няцта анатама выступленийт тя статьят колга, конатнень эса азовельба ния виноватсь сянди, што Лазаревнень расходяться взгляда?

Ния кизада инголя (1931 кизоня) Лазарев Ваясь сружас урваньма и решил аванди сявомс инь цебарь стирывать — Денисовать. Тийсь сон теенза предложения, а мзярда Денисовась ажжас теенза урвако модемда, то сон ушедс примсема всякай мерат. Ламонь Денисовати гразьса шавомаса, молечендамаса и кда нят мератня теенза ашесть лезда, то Лазаревсь ушодс Денисовать умолять, мзярда обещаньдась теенза пара счастливый эряф и макось обещания, што сонь кемоста кармай кельгемонза.

Тя пингоня Денисовати ульсь сембоц 17 киза, но афваномо од шинц ланке, Денисовась Ваянй лиссь урвако.

Васень пинкть Ваясь эсь валонзон ашезень полафая. Ния кизот эрясть тяфта што ялганзе сельмо дышнесть синь лавгозот.

Денисовась ульсь малограмотнай и кда сон мирьдепцты корхнесь, што сонь ули мялец тонафнемс, то Лазаревсь теенза мзяргонцы:

— Ожу, васенда тонафнян мон, а тоса кармат тонафнема тон—

Урваньмода меле йотась анцек киза Лазаревнень шачсь кельгома цьораньсна и Лазаревть урвац ушодс касфтома иднять йотась киза кафта колма и тани моли ветеця кизось, кода ни урваньда Лазаревня. Оцю переманат тивесть Лазарев Ваянй работамонза и содама, шисонза. Лазаревсь аделась вейхса кизонь курот и сатц „Госбанкнень плановиконь“ авания.

Аф кржа нийсь нужада Лазаревть авац, мзярда сон ульсь курсса. Эрявсь тямс эсь прядц и касфтома цьорань. Нят стака пиньненъ эзда Лазаревась надьяшнесь саны ланес, што вейхса кода меле мирьдец аделаснесь курснень и ули грамотнай специальность мархта комсомолец.

Така пингоня эряви азом, што Лазаревсь комсомолса 1926-ця кизоня и кода цебарь комсомолец ульсь кучьф курсс.

И вов Лазаревсь сась курсста. Тани работай Ромодановской районнай госбанкнень отделенийса плановикомс, кода ушодс получандама цебарь жалования.

Йотнесть шитьня Лазарев Ваясь ушодс вуду сашондома ипать поздна. Мзярда авац теенза мзяргонцы: мес пиз поздна сашоншнит куду, то Ваясь ответьдась фья лаца.

— Лама работада да сяда башка шорьсикхть комсомольской нагузканя. Работась ушодс „вишкюдима“ Мирьдсь ушодс сашондоме шовдавань эрять ланга.

Лазаревсь ушедс урвань мархта йофси кржа корхнема, а кельгома цьоранц Германть ашесе вяненьди пцтай суткань перьф. Лазаревсь получанц эзда урваньцты и цьоранцты максось 10-20 цалковай и нят, по существу, грошнень ланке тярясь и 31/2 кизонь Гермонць должн эрямс целай ков.

— Монь аш сяда лама ярмакозя теенть. Тани Лазаревсь ушодс миченьдема кой меле вещасон эзда мизяружыяц и нят ярмакнень эзда максось тага аныцок 5 цалковайхть.

Германть анынемс ульсь аш мезд, сяе Лазаревати тевть эзда лисемась ульсь фья: Германть ильхтемс эсь алянц шири. Тани вов пцтай ков, кода Германць эряй алянц ширеса.

И вов аф кувара Лазаревсь урваньцты азоза:

— Мон хочу, штоба тон тутель монь квартирастон.

— А ков туян мон Гермонть мархта?—корхтай урвац.

— Ков келье, а квартиразень ароптак.

— А Германть ков тиес?

— Германть мон кярман пандома 40 цалковай ковти.

И тиконь пез Лазаревсь урваньцты максось намаз: кда кармат лангозон жалбама, то сяда меле пеняк эсь лангост.

Аф весть Лазарева ялгась думандашнесь: мез тяфта кельмоста мирьдец ушодс лавгозонза ваноме мекпалы нльне мярксь-ворьть кадоман?

А кда сонь кизефтезя, то Лазаревсь мярксь:

— Тон лядоть политической эряфть эзда, а кда стаян так тонь не-вернайхть политической эряфть ланге взглядыня и кинекя тонь мярхот разнайхть—

Минь кизефнесае комсомольский и од ломанень общественность—

А кия танди виноватсь, што комсомолецт—Лазаревть аванц от-стадайхть взглядовза?

Гронт

Первичнай комсомольской организациять работац

Ичалки. Лабаски велень комсомолецне (сембец 15 ломатъ) сембе работайхть ответственной вастова: 2 сь колхозонь бригадирхт, 4 комсомолецт работайхт газетань лувондык и бригадань стенгазетань редакторкс, 4 конюхокс, 2 товарнай фермаса заведующайкс и 3 сь колхозонь работаса.

1934 кизоня сьоксенда комсомолецне вьюста кярмондсть урожайить кеподеманц инкса работам. Синь паксать лангс усксть 946 усф назем, кочкасть 21 центнерхт кулуфт, 30 центнерхт саразонь йордафкст. Колхозты максф планц пняшккодф 54 процентс аныцек комсомолецнень вийсон мархта.

Сьоронь урядама пингоньди организовандафт одломанень 3 бригадат.

Колхозть сьоронь урядама работань планоц комсомолецнень вельде пачфтьф] сембе колхозникнень мьяльс.

Сьоронь урядама пингонди комсомолецне кемокстафт работань инь эрявикс участкитень эзга. Ермолаев, Чиченков и Баркин пугфть сьоронь ванькс. Тетюшкин, Планкин и Юрченков—звеньеводкс государствати сьоронь ускома тевса и ст. тов.

Комсомолецне сьоронь урядама пингонди лац ладязь соцсоревнованиять и ударничествать, коза фатязь аф аныцек бригадатнень, но и колхозникненьге.

Ся калдыя, што комсомолецне ашезь лув культурнай вийть и ашезь кемокста синь урядама

пингста колхозникнень обслужи-вандама; хоть и вятеви газетань морфнема и нолявихть стенгазетат, но тя кржа.

Комсомолецне тяфта-жа вьюста тюрихть кормовой базать касфтоманкса. Синь вийсон мархта силосовандафт 300 тоннат силос. Районнай конкурсса занясть васеньне васть.

Тя сембе азонкшневи саны мархта, што комсомолецне сознательнайхть, политически грамотнайхть; тьялонь политтонафнематнень эса синь полнайста йотазь „Борьба за социал“ учебникть и эсь эряфонь опытнон мархта.


Тяда башка комсомолецне лувондсть и художественнай литература кода Панферовонь „Бруски“, Шолоховонь „Поднятая целина“ и лият. Тянь эса оцю роль налкхсь и пропагандистсь Абрамов ялгась, конац мацтсь касфтомс лабаскань комсомолецнень культурнай и политической содама шисон.

Тяниень пингть комсомолецне тонафнихть ВКП(б)-ть историянц эса.

Тяфта-жа лац моли внутрисоюзнай работась. Комсомольской пуромксне эрсихть кафксть ковти, шинь повесткась комсомолецнень мьяльс пачфневи 3 шиди инголи, комсомолецне примсикхть активнай участия сембе кизефкснень решандамасост.

Работать тяфта цебарьста ладяманц эзда ули кода учемс цебарь результатт.

Пыряев.



Азербейджанской Осовиахимонь лагерьхнень эса. СНИМКАСА: Осовиахимонь лагерть общай видоц.

Пара эряфсь лагерьса

Ковылкино. Районца тядденъ кивоть кой-кона организациятне кемоста кярмондсть оздоровительнай кампаниять йотафтома и панцоть лагерь. Тя тевса сембода оцю работа йотафсь ВЛКОМ-нь райкомс и Богин ялгась, конац лама пингта пионеронь лагерть паяжемада инголе кемокстафоль пионерской лагерень начальникокс. Васень сменаса ваймосесть 112 пионерхт. Лагерть работанц колга корхтай сонц фактсь, што нят 112 пионерхне паяк цебарьста ваймасть и ваймаф прясас васьфцазь од тонафнема кизоть. Васеньце сменаса ваймоси пионерхнень эзда 24 ломатъ максозь ВЛКОМ-нь норматнень. Оя пингта, мзярда азфоль пионерхненьди, што васень сменась ваймама пингонц аделазе, што тяфта-жа йорайхъ ваймамс нинге лама пионерхт. Нят валхне ламоц ваймоси пионерхненьди ульсь йофсикс апац учт кулякс. Синь юкстазь сая, што пуроптфт 25 шис. Теест паяк узялель кадомс лагерьса. Кой конат явасть ВЛКОМ-нь райкому, штоба

синь кадолезь нинге—хоть аф лама шис.

Омбоце сменась ушедовсе работанц июльть 5-це шинц эзда пурометь 102 ломатъ. Тяни нинге сядонга цебарьста ладязь пионерской лагерть работанц—лувозь васень сменать пингста уликс кой-кона аф-атнесьнень. Лагерьса ули клуб, цебарь столовай, валда и чистай эряма васта, библиотека. Эряви азомс, што сят ломатне, конат кучфт райОНО-ть и ВЛКОМ-нь райкомть ширьде лагерса работам, работайхть паяк честнайста.

Вов сясвасеь вожатыйть Пиксай-кина ялгась. Работай паяк цебарьста. Пионерхне сонь кельксазь. Медеесурсь Павлова ялгась, эрь частота минутста—апац лотсеск мольфти наблюдения пионерхнень мельге. Физкультурань инструкторь Лебедева ялгась и сонь кайги вайгялец—арась пионерхненьди йофсикс роднойкс. Еодак пейшкодо „на физзарядку становись“ сембе кенярдэзь, педдэзь ласькхть, и эрь пионерть ули мялец аракс сядамалев Лебедева ялтати и няфтемс, што сон вельф точнайста тивенцыне физзарядкань сембе привилатнень.

Денисова Олясь—массовиксь цебарьста организовандашнесь пионерхнень ваймама пингонь. Цебарьста работай пионер вожатыйсь Константинова ялгась. Вов вярэ азф ялгатнень кельгасзь пионерхне. Но синь синьцке кельксазь эсь работасон и вельф цебарьста шарф-нихть мьяль башка эрь пионерти. Синь эрь минутста содсоевась башка эрь пионерть мяленц, эряихть пионерхнень мархта фья цебарь мьяльса. Вярэ азфть эзда няеви, што пионерской лагерсь работай цебарьста.

Лама районнай общественнай и хозяйственной организациятне макссть паяк оцю лезкс лагерть панжаманц пингста, аф кадонцазь мьяльстот тичимс макссикхть лезкс. Паяк оцю лезкс макссь Птице совхозсь (директороц Васильев ялгась).

Но улихть и тяфтама организацият, кода: Райпотребсоюзсь (правленийть председателец Буличев ялгась), Межрайбачась (заведующаец Орлов ялгась), Заготзернось (заведующаец Сосин ялгась) и лият конат йофсикс исть макссе и тичимс аф макссикхть лезкс пионерской лагерти, лувонцазь тя тевть „мелоченьди“. Нят „крупнай“, ломаттнень колга ВКП(б)-нь райкомти и райисполкомти эряви примамс инь уроковь пингта мерат. А лезкс пионерской лагерти эряви максомс, штоба сон омбопеда смелайста нинге сядонга цебарьста работаль васень сменать коряс,

И. К.



Тканень цебарь качества тиендеви анкс сюретнень цебарь-ста кштирьдемаснон эзда.
СНИМКАСА: Куровской Меланжевской (Москувонь обл.) комбинатонь сембеда цебарь проборщицатне тиихть проработка молоскин сукнати.

Волокитась ковылкинань прокуратураса

Июнтть 30-це шистонза 1935 кизоня 73 (174) № „Комсомолонь вайгаль“ газетаса ульсь печатлаф статья „Зверский убийцати инь кеме кара“ заголовка мархта. Тя статья ульсь сформадф активной пионерть Коля Милехинтть—Почеваловть зверскайста шавоманц колга. Тяка-жа статьяс моралфтама. „Шавозе сонь классовой врагсь эсь (аф радной) аляц и сяльде сонць-жа ускозе Колять ловажанц Клиновка велень совету, коста председателсь мярьгсь, ускомдонза норвчатской больница, коса врачне ваноць и азозь, што сон васце пяк пиксес-фоль, прикеденц алу кулофт вяр кит, „шмапц сявеньф и стак тов. Сонь шавозе ломань.“

Кода ниясаськ вяр азфть эзда, бодрый жизнерадостный 13 кизоса пионерть Коля Милехинтть пан-жезь-панжи—юношати эрифонц савозе классовой врагсь. Апрельть 9-це шистонза сон паксаса муфоль кулофта—классовой врагть кядензон эзда.

Тяни ванцаськ кода ащи тевсь тя зверский убийцати колга? Пингта йотась-ни лама, МАССР-нь сембе пионерхне и сембода пяк ковылкинань районь пионерхне учихть мзярда ули пашкодф синь требованисна зверскай убийцати кеме судебнай ответственностьс таргаманц колга“.

Колять шавоманц колга содамод меле ковылкинань районь пионерхне сформадсть „Вештяма; што ба пролетарскай судсь советскай

закоттнень сембе строгостьснон мархта эрхтель врагть, гадкай убийцати П.-С. Почеваловть лангс и таргалезь кеме ответс сембень нятнень, конат содасть Колять шавоманц колга, но ашесть шарфне тя тевть лангс кодамовок мяль“. Тевсь васенда киге повсь Норвчатскай Рум-ти, синь тя тевть шири исть шарфга эрявикс мяль, шовордазь сонь эсь волокитаснон потмос, коса и удсь мянь ся пингти, мзярда сонь савозе следствиянь мольфемати ковылкинань районнай прокуратурась.

А пингсь коль моли и моли, йотнихть шит, кофт, а тевсь фкя вастса, муворсь—классовой врагсь тячимс апак судндак. Июльть 3-це шистонза ковылкинань ВЛКОМ-нь райкомть бюроц лифць путфкс—мярьгомс комсомолец—следователти Кензин ялгати аделамс следствиять колма шинь пингста. Но аф норвчатскай следственной органа поворотливайкс ащи ковылкинонь прокуратураськя. Оасьни июльть 20-це шиц, Кензинтти максф колма шинь пингсь кунарни йотась, а тевсь... А тевсь якай кядста—кядс. Сембе возмущандакшихть тя зверскай убийцати колга, и синць мезевок аф тиендихть минь кизефнесаськ Ковылкинань прокуратурат, мзярда жа тя волокитати ули путф пер? Тяконь шовор кизефнесаськ и МАССР-нь главпрокуратурат: ули мзярада судндаф-зверскай убийцась?

Школань петемась моли аф удовлетворительна

Мокшерянь республикати эзда тонафнема кизоти школань анокламась моли аф удовлетворительна. Ламонц колхознень эзда нинге афи ушедшинен школань петемать. Июльть 15-це шиц самс йофси исть кярмодьшине школань петемати и вообще тонафнема кизоти анокламат лаврентьевскай вельсоветснь начальнай школаса школань завсь Журавлевась. Тяфта-жа йофси аф шарфнихть мяль среднай школат, а кафта начальнай школатнень анокламаснон шири рыбикань (председателсь Сараев) и лия вельсоветтнень эзда.

Тонафнема кизоти школатань успешнайста анокламаснон йотафтомс сембе возможностьне улихть. Тянь колга корхтайхть ламонц районга ударнейста школань аноклама фактне.

Кепотыксонди Тенгушевскай вельсоветс (Ельниковский район) няфць оцю инициатива аф полнай среднай школанди зданиянь строя маса. Аф ваномок сянь лангс, што

школань директорсь Тришкин ялгась анокламатн изь примсе кодамовок мерат и наркомпросонь планть коря од школань стройгелестнась изь арысев. Вельсоветонь председателсь Сабаев ялгась сеньць кярмодьсь тя тевти. Сонь инициативанц коряс общественной средстватнень лангс ульсь аноклаф сембе строй материалсь. Строительствась моли вииста и тонафнема кизот ушедоманцты школась ули строяф. Школань пирьфсь перяф од забурса, строяф од сарай и лия хозяйственной постройкат, школати аноклафт пенгат.

Скрось аноклаф начальнай школась Рузаевкань районца налаевскай вельсоветса (председателсь Норкин), коса тонафнекишихть мокшерьз идьтне. Строяф зданиясь архтф и акшенцф. Школань завсь Алексеев ялгась школати добувась 40 од партат.

(М. Т.)

Боран лангса...

(Фельетон васте)

Поповско-кулацкай литератураса улихть стама „сведенийат“, што церковнай геройсь—Христозсь арнесь асел лангса. Но литературань историять эса тя пингснинге ашельхть стама сведений, штоба кодама-кодама герой или мярьгтяма, полководец арнелъ ба боран лангса. А тяни катк лувись кармай содамонза, што минь пань чтама од страница литературат историязонза и кемоста азсаськ (сяс-мес тя тевсь документса кемокстаф), што улихть геройхть, конат спокойна и сатфкс мархта арнихть боран лангса. Виде, эряви аньдек азомс ся, што практикаса тя тевсь нинге вельф од, но фактсь илядкшни фактокс и тя сатфкссь эряви лувомс Наркомземонь первичнай комсомольскай организациять мельге, конань эса комсоргокс работай Гиць.

Сяс-мес боранць кода вастта вастс уксемса средства, кода ускивий, практикаса васьфневи васенцеда, лувихне могут лама юмафтомс каготта и пингта—кармайхть вешеме консультации вяр азф организациять эзда, а сяс минь эсь ширьденек старандатама сяда подробнайныста азомдамс лувихьненди, а сембеда пяк комсомольскай организациятненьди.

Боран лангса арнемя идеясь наркомземонь комсомольскай организацияс эвондась нинге йотай кизотнень эзда, мзярда ульсь аф „Наркомзем“, а „Облзем“, но законнайкс арась 1935-це козоста сязомок. Аньдек бедась тоса, што ВЛКСМ-нь горкомсь тя пингс „изобретательхнен“ мархта ашезь интересованда и лангти синь ашезень лихне. Редакцияв сашендсть кулят, што НКЗ-нь первичнай комсомольскай организацияс целайста „арни боран лангса“ и ульсть ку чфт редакциянь сотрудник, штоба ладняс куляксамс. Но тостонь—комсомольскай „руководительхне сотрудникнень мархта ламонь корхнем ашесть карма, а аньдек мярьсть „Тинь“ „Комсомолонь вайгальста“? Ну, тяда шьорьсе!..

И вов минь учемя стама пинге, мзярда шачсь корхтамань мялснашачи и кармамя кизефнемо:

— Мзяра комсомолецта тьса?
— А кие содасы, синь тейнектумдост ингеле аф сашендыхть...

Ашезь сата совостец бюронь членть и технической секретарьт—Горбуноват, штоба мярьгомс: „и миньге теест аф якатама“...

— А мзярда ульсь комсомольскай пуромксонесте?

— Вельф кунара.
— А коса протоколнте?
— Боранонкса тусь...
— Кие? Протоколсь?...
— Аф, комсоргсь—Гиць и протоколть мархтонза сязове Ростову.
— А коса сяда ингелдөнъ протоколсь?

— Армияв сязовь.
— Кинь, протоколть?
— Да протоколть, сон ульсь комсорг и мархтонза сязове.

Лама лия кизефкста вийхцаважа азомдовсь Горбуновати, конан и лядкшни комсоргть вастс, што синь тоса, кода правила эрь комсоргсь, коза тьза ту, мархтост савоньдсавь протоколхненъ.

Сисемьковонь йотамс протоколонь подшивкасост фки номеротом протокол, конань эса сьомадф:

„Слушали: о подготовке кодноу РККА-а

Постановили: от первичнай организаци ВЛКСМ в помощь комиссий проведения выделить тов. Горбунову“... И сембе.

Варжась шарьхкодемс мезе тийсть вельможатне. РККА-нь шиня.

Лия кодамовок документт тя организацияс аш. Виде, ули тетрадъ нинге, конань эса азфг членскай взносонь пандыхне, конатнень йоткса улихть фамилият: Андреева, Лешов и лият, конат членскай взнос аф пандыхть апрель козоста савомок.

Политучеба, массовой, культурнай работа тя организацияс аф вьatevi. Лиякс азомс, НКЗ-нь комсомолецне арась настоящей канцелярскай чиновниккокс. Тя первичнай организацияс—кагод лангстонь организация.

НКЗ-нь партийнай организацияс комсомольскай организациять сельме ингелде молдазе.

Комсомольцне аф содасавь ВЛКСМ-нь ЦК-ть XI-це пленумонц материалонзон. И тя организацияс вивок нинге ашезь думандакшне комсомольскай работат одукс тиemanц колга.

Кизефксть каршес: „А кода ингели мяльнесте работамс, вдь тяфтак ашков кадомс тевсь?“ Горбуновась кодамовок комсомольскай ответственностьтома отвечась;
— Мон аф содаса, а комсоргсь тусь боранонкса..

Лисеньди: комсоргсь тусь боранонкса, а комсомольскай организацияс учси боратт.

Вард.

Кадратнень лангс шарфтомс мяль

Республиканскай проектной контораса работайхть 15 ламатть, помещениять площадь 40 кв. метрат, столхне фкя-фкянь лангс ма-рафт, аш коса „шаромска тесна, но ся вьжа нинге тесна, тоса пият пейть эзда. Конторат ала „Пищевиз“ артельть пекарнят, коста яфоди пем кишинь, шапоксонь шинь, ару воздух аш, шовда и ст. тов. Тяфтама условияс аф аньдек работамс 6 частт, а кафта частт тоза аф ашечат, и эряви тяконь лангс лувомс работникенень работаснон характеронц.

Работникенди сашендови лисендемс работамс коридору, штоба аф прамс сярядема духотать эзда, а тянь лангс кода директорсь (конторань) Малышев ялгазь, а стая жа и строй конторань профсоюзнай

и комсомольскай организациять аф шарфнихть кодамовок мяль.

Проектнай конторань дирекцияти эряви вешемс лия помещени эсь конторанц алу, а МАССР-нь Наркомхозий эряви журуконоя модемс эсь кадратнон требованиснон каршес и йотафтомс эряфс Сталин ялгать валонзон: „эряви шарьхкодемс, што минь танинен условиянон „Кадратне решандасавь себеть“... штоба минь руководителхнеке няфтелихть самай заботлив й отношение минь работникокеконди“...

Арги.

Ответ. редакторсь
Ф. С. РУСЬКИН

Главлит № 1214 Заказ № 2174. Тираж 1728.

г. Саранск типография „Кр. Октябрь“ Мордгиза